

Bosna i Hercegovina
Federacija Bosne i Hercegovine
Hercegovačko neretvanski kanton
SKUPŠTINA
Broj: 02-02-080/24
Mostar, 16.02.2024. godine

IZVOD IZ ZAPISNIKA
sa četvrte (IV) vanredne sjednice Skupštine
Hercegovačko neretvanskog kantona

Sjednica je održana dana 16.02.2024. u sali Skupštine Hercegovačko-neretvanskog kantona u Mostaru s početkom rada u 13:00 sati.

Sjednicu je otvorio Džafer Alić predsjedavajući Skupštine Hercegovačko-neretvanskog kantona.

Prisutni: Džafer Alić, Damir Džeba, Daniel Babić, Slavko Bilić, Marija Bošković, Ivana Buntić-Jovanović, Josip Grbavac, Sadina Hejub, Salmir Kaplan, Zoran Krešić, Harun Kurtović, Ismet Lulić, Tomislav Martinović, Marija Matuško, Zoran Mikulić, Danijela Mišura, Iva Raguz, Vesna Saradžić, Oliver Soldo, Dragica Suša, Mirko Vasilj, Arman Zalihić, Nedžad Maksumić, Irma Memidžan, Ivan Odak i Kemal Muratović.

Odsutni: Zora Dujmović, Omer Hujdur, Nermin Vrtić i Vesna Šunjić.

Konstatovano je da je na sjednici nazočno **26** poslanika, te da postoji kvorum za rad i punovažno odlučivanje.

Prisutni po pozivu: predstavnici Vlade, predstavnici Zavoda zdravstvenog osiguranja HNK, predstavnici međunarodnih organizacija i predstavnici sredstava javnog informisanja.

Sjednica je javna, snimana je i snimci su sastavni dio ovog Izvoda iz zapisnika.

Predsjedavajući Skupštine HNK Džafer Alić obavijestio je poslanike da je u materijalima dostavljen prijedlog dnevnog reda koji je utvrdio Kolegij Skupštine:

1. Prijedlog Budžeta HNK za 2024. godinu;
2. Prijedlog Zakona o izvršenju Budžeta za 2024. godinu;
3. a) Prijedlog Odluke o davanju saglasnosti na Finansijski plan Zavoda zdravstvenog osiguranja HNK za 2024. godinu;
b) Prijedlog Odluke o davanju saglasnosti na Odluku o izvršenju Finansijskog plana Zavoda zdravstvenog osiguranja HNK za 2024. godinu;
4. Odluka o usvajanju Nacrta dopune Prostornog plana Hercegovačko-neretvanskog kantona;

Otvorena je rasprava po prijedlogu dnevnog reda.

Poslanik Ivan Odak predložio je da se tačka 4. Odluka o usvajanju Nacrta dopune Prostornog plana HNK, skine s dnevnog reda 4. vanredne sjednice Skupštine HNK.

Obavljeno je glasanje po prijedlogu poslanika Ivana Odaka da se tačka 4. Odluka o usvajanju Nacrta dopune Prostornog plana HNK, skine s dnevnog reda 4. vanredne sjednice Skupštine HNK.

Nakon glasanja konstatovano je da prijedlog poslanika Ivana Odaka nije dobio potrebnu većinu.

Obavljeno je glasanje po prijedlogu dnevnog reda sa 4. vanredne sjednice Skupštine HNK.

Nakon glasanja konstatovano je da je sa 17 glasova „Za“, 6 glasova „Protiv“ i 1 „Suzdržan“ glas usvojen prijedlog dnevnog reda sa 4. vanredne sjednice Skupštine HNK.

1. Prijedlog Budžeta HNK za 2024. godinu

Obrazloženje je dala Marija Buhač, predsjednica Vlade HNK.

Otvorena je rasprava.

U raspravi su učestvovali: Mirko Vasilj, Zoran Krešić, Ivan Odak, Danijela Mišura, Marija Matuško, Arman Zalihić, Kemal Muratović, Nedžad Maksumić, Iva Raguž, Dragica Suša, Slavko Bilić, Harun Kurtović, Josip Grbavac, Tomislav Martinović i ministar financija u Vladi HNŽ/K Adil Šuta.

Poslanik **Mirko Vasilj** predložio je slijedeći amandman:

Amandman 1.

Da se u Prijedlogu Budžeta pri Ministarstvu obrazovanja, nauke, kulture i sporta HNK na ekonomskom kodu 614300 funkcija 81 planirana sredstva od po 300000 KM predviđena za HŠK Zrinjski i FK Velež umanje za po 150000 KM te se ista u iznosima po 150000 doznače fudbalskim klubovima GOŠK Gabela i FK Igman Konjic.

Poslanik **Ivan Odak** predložio je slijedeće amndmane:

Amandman 1.

Da se ekonomski kod 614500 umanji za 300000 KM, te prebaci na ekonomski kod 614400, te da ekonomski kod 614400 iznosi 500000 KM, te da se isti preimenuje u transfer JP ŠGD „Šume Hercegovačko-neretvanske“ d.o.o. Mostar.

Amandman 2.

Da se pod budžetskim kodom 717100 – prihodi od neiravnih poreza koji pripadaju kantonima – s prihodovne strane povećati predviđeni iznos za 12.500.000 KM, a da se na rashodovnoj strani za isti iznos 12.500.000 KM povećati budžetska stavka Plaće i naknade troškova zaposlenih, kod 611000, da se osigura isplata pomoći svim djelatnicima koji plaću primaju iz Budžeta, sukladno Uredbi Vlade Federacije BiH od 12.12.2023. godine (Službene novine Federacije BiH 96/23).

Poslanica **Danijela Mišura** predložila je slijedeće amandmane:

Amandman 1.

Predlažem da se pod budžetskim kodom 717100- prihodi od neizravnih poreza koji pripadaju kantonima -s prihodovne strane poveća predviđeni iznos za 1700000 KM, a da se na rashodovnoj strani za isti iznos 1700000 KM poveća budžetska stavka Stipendije studentima fakulteta i učenicima, kod 614200, s 4300000 KM na 6000000 KM.

Amandman 2.

Predlažem da se pod budžetskim kodom 717100- prihodi od neizravnih poreza koji pripadaju kantonima -s prihodovne strane poveća predviđeni iznos za 1000000 KM, a da se na rashodovnoj strani za isti iznos 1000000 KM poveća budžetska stavka Grant za znanost i mlade znanstvenike, kod 614300, s 200000 KM na 1200000 KM.

Poslanica **Marija Matuško** predložila je slijedeći amandman:

Amandman 1.

Tražim da se iz tekuće pričuve, razdjel 16, glava 01, potrošačka jedinica 0001, konto 600000 izdvoje sredstva u iznosu od 200000 KM na konto 614000-transfer nižim razinama vlasti.

Poslanik **Arman Zalihić** predložio je slijedeći amandman:

Amandman 1.

S ekonomskog koda 821200 „nabavka građevine“ prebaciti iznos od 300000 KM na konto 611100 bruto plaće i naknade plaća u potrošačkoj jedinici 0002 županijski kantonalni zavod za besplatnu pravnu pomoć.

Poslanik **Kemal Muratović** predložio je slijedeći amandman:

Amandman 1.

Predlažem da se na konto 614300- Sportska infrastruktura- funkcija 081 prenese iznos od 50000 KM sa konta 614300-funkcija 032- Grant neprofitnim organizacijama.

Poslanice **Ivana Buntić Jovanović** i **Iva Raguž** predložile su slijedeći amandman:

Amandman 1.

Umanjiti sredstva sa pozicije Ministarstva finansija HNK „tekuća pričuva“ za iznos 200000 KM. Povećati sredstva na poziciji Ministarstva trgovine, turizma i zaštite okoliša HNK – J.P. „Park prirode Hutovo blato „ d.o.o. Čapljina za iznos: 200000 KM odnosno sa 160000 KM na 360000 KM.

Poslanica **Dragica Suša** predložila je slijedeći amandman:

Amandman 1.

Predlažem da se na konto 615300-potrošačka jedinica 0001 funkcija 098-rekonstrukcija objekta kulturnih institucija prenese 200.000,00 sa konta 613600 funkcija 011 unajmljivanje imovine, opreme i nematerijalne imovine.

Poslanik **Harun Kurtović** predložio je slijedeći amandman:

Amandman 1.

Predlažem da se na konto Pomoć u održivom povratku 614200- funkcija 107, prenese 400.000,00 sa konta 821600-funkcija 045 - rekonstrukcija i investicijsko održavanje.

Na prijedlog predsjedavajućeg Džafera Alića prihvaćeno je da se obavi rasprava o Prijedlogu Zakona o izvršenju Budžeta za 2024. godinu, kako bi se Vlada HNK mogla odrediti prema uloženim amandmanima na Prijedlog Budžeta HNK za 2024. godinu.

2. Prijedlog Zakona o izvršenju Budžeta za 2024. godinu

Obrazloženje je dala Marija Buhač, predsjednica Vlade HNK.

Otvorena je rasprava.

U raspravi su učestvovali: Ivan Odak, Daniel Babić, Marija Bošković i Marija Matuško.

Usljedila je **pauza** od 30 minuta.

*** 1. Izjašnjavanje o amandmanima na Prijedlog Budžeta HNK za 2024. godinu**

U ime Vlade HNK obrazloženje o izjašnjavanju o predloženim amandmanima je dala Marija Buhač, predsjednica Vlade HNK:

Amandman poslanika **Kemala Muratovića** Vlada HNK nije prihvatila.

Amandman poslanice **Marije Matuško** Vlada HNK je definirala kao tehnički neispravan te kao takav nije prihvaćen.

Amandman poslanika **Haruna Kurtovića** Vlada HNK je definirala kao tehnički neispravan te kao takav nije prihvaćen.

Amandman 1. poslanice **Danijele Mišura** Vlada HNK nije prihvatila.

Amandman 2. poslanice **Danijele Mišura** Vlada HNK nije prihvatila.

Amandman poslanika **Mirka Vasilja** Vlada HNK nije prihvatila.

Amandman 1. poslanika **Ivana Odaka** Vlada HNK nije prihvatila.

Amandman 2. poslanika **Ivana Odaka** Vlada HNK nije prihvatila.

Amandman poslanica **Ivane Buntić Jovanović i i Ive Raguž** Vlada HNK nije prihvatila.

Amandman poslanice **Dragice Suša** Vlada HNK nije prihvatila.

Poslanik **Arman Zalihić** odustao je od **predloženog amandmana**.

Obavljeno je glasanje o **Prijedlogu Budžeta HNK za 2024. godinu**.

Nakon glasanja konstatovano je da je uz 18 glasova „Za“, 6 glasova „Protiv“ i 1 “Suzdržan“ glas, usvojen **Prijedlog Budžeta HNK za 2024. godinu**.

***3. Prijedlog Zakona o izvršenju Budžeta HNK za 2024. godinu**

***(Izjašnjavanje)**

Obavljeno je glasanje o **Prijedlogu Zakona o izvršenju Budžeta HNK za 2024. godinu**.

Nakon glasanja konstatovano je da je uz 18 glasova „Za“, 5 glasova „Protiv“ i 1 “Suzdržan“ glas, usvojen **Prijedlog Zakona o izvršenju Budžeta HNK za 2024. godinu**.

- 3. a) Prijedlog Odluke o davanju saglasnosti na Finansijski plan Zavoda zdravstvenog osiguranja HNK za 2024. godinu;**
b) Prijedlog Odluke o davanju saglasnosti na Odluku o izvršenju Finansijskog plana Zavoda zdravstvenog osiguranja HNK za 2024. godinu;

Obrazloženje su dali Marija Buhač, predsjednica Vlade HNK i Andrej Čović v.d direktor Zavoda zdravstvenog osiguranja HNK.

Otvorena je rasprava.

U raspravi su učestvovali: Arman Zalihić, Marija Matuško, Ivan Odak, Josip Grbavac, Mirko Vasilj, Marija Bošković, Milenko Bevanda ministar zdravstva, rada i socijalne skrbi u Vladi HNK i Andrej Čović v.d direktor Zavoda zdravstvenog osiguranja HNK.

Ispred Komisije za Budžet, finansije i ekonomsku politiku obrazloženje je dala Marija Matuško:

Daje se pozitivno mišljenje na:

a) Na prijedlog Odluke o davanju saglasnosti na Finansijski plan ZZO HNK za 2024. godinu i b) Prijedlog Odluke o davanju saglasnosti na odluku o izvršenju finansijskog plana ZZO HNK za 2024. godinu.

Komisija nema primjedbi na spomenute odluke te se kao takve upućuju u dalju skupštinsku proceduru.

Obavljeno je glasanje o Prijedlogu Odluke o davanju saglasnosti na Finansijski plan ZZO HNK za 2024.godinu.

Nakon glasanja konstatovano je da uz 24 glasa „Za“ i 1 glas „Protiv“ usvojen Prijedlog Odluke o davanju saglasnosti na Finansijski plan ZZO HNK za 2024.godinu.

Obavljeno je glasanje o Prijedlogu Odluke o davanju saglasnosti na Odluku o izvršenju Finansijskog plana ZZO HNK za 2024. godinu.

Nakon glasanja konstatovano je da je jednoglasno usvojen Prijedlog Odluke o davanju saglasnosti na Odluku o izvršenju Finansijskog plana ZZO HNK za 2024. godinu.

4. Odluka o usvajanju Nacrta dopune Prostornog plana Hercegovačko-neretvanskog kantona

Obrazloženje je dala Marija Buhač, predsjednica Vlade HNK.

Otvorena je rasprava.

U raspravi su učestvovali: Damir Džeba, Iva Raguž, Daniel Babić, Arman Zalihić, Ivan Odak, Danijela Mišura, Marija Matuško, Mirko Vasilj, Salmir Kaplan, Zoran Krešić, Tomislav Martinović, ministar Bekir Isaković i Džafer Alić.

Poslanik **Damir Džeba** je ispred Kluba hrvatskih poslanika predložio sljedeći
Zaključak:

1. Zadužuje se nosilac izrade nacrtu dopune Prostornog plana HNK da organizuje javnu raspravu u periodu od 30 dana od dana usvajanja odluke sukladno usvojenoj odluci o pristupanju izrade dopune Prostornog plana HNK poglavlje 7, odredbe o javnoj raspravi.

2. Zadužuje se nosilac izrade nacrtu Prostornog plana HNK da održi sastanke sa svim predstavnicima jedinica lokalne samouprave odnosno s općinama i gradovima u HNK te uvaži i uvrsti važeće prostorne planove općina i gradova tijekom izrade prijedloga dopune prostornog plana HNK.

3. Obvezuje se nosilac izrade Prostornog plana HNK da pri izradi prijedloga prostornog plana HNK u cijelosti primjeni Zakon o prostornom planiranju na razini Federacije BiH i uredbi o jedinstvenoj metodologiji za izradu planskih dokumenata.

4. Zaključak stupa na snagu danom donošenja i objavit će se u Službenim novinama HNK.

Ispred Komisije za zakonodavno-pravna pitanja obrazloženje je dao Daniel Babić, predsjednik iste:

Komisija je održala sjednicu te je sukladno članu 34., stav 1. i članu 136. Poslovnika o radu Skupštine razmatralo ovu Odluku te je usvojila Zaključak da Prijedlog Odluke o usvajanju Nacrta dopune Prostornog plana HNK ima ustavni i zakonski osnov za donošenje te se kao takav može uputiti u daljnju skupštinsku proceduru.

Poslanica Danijela Mišura zatražila je da se dopuni preambula navedene Odluke te da se iza broja 9 dodaju se brojevi 12. i 13. te da preambula glasi:

Na osnovu člana 39. Ustava, tačka f) HNK, („Službene novine HNK“ broj: 2/98, 3/98, 4/00, 7/04 i 6/21) i člana 9., 12., i 13. Zakona o prostornom uređenju („Službene novine HNK“ broj: 4/04 i 4/14) Skupština HNK je na sjednici održanoj 2024. godine donijela Odluku o usvajanju Nacrta dopune Prostornog plana HNK.

Predsjedavajući Skupštine HNK Džafer Alić je nakon rasprave i konsultacija poslanika, pročitao Zaključak kojeg je u ime Kluba hrvatskih poslanika predložio Damir Džeba, uz prihvaćene korekcije poslanika Ivana Odaka.

Zaključak glasi:

Na osnovu člana 39. Ustava, tačka f) Hercegovačko-neretvanskog kantona („Službene novine HNK“, broj: 2/98, 3/98, 4/00, 7/04 i 6/21), člana 9., 12. i 13. Zakona o prostornom uređenju („Službene novine HNK“, broj: 4/04 i 4/14) i člana 95. i 114. Poslovnika Skupštine Hercegovačko – neretvanskog kantona („Službene novine HNK“, broj: 2/05 i 13/23), Skupština Hercegovačko – neretvanskog kantona na sjednici održanoj dana 16.02.2024. godine, donijela je sljedeći

ZAKLJUČAK

1. Zadužuje se Nosilac izrade Nacrta dopune Prostornog plana HNK da organizije javnu raspravu u periodu od trideset (30) dana od dana usvajanja Odluke sukladno usvojenoj Odluci o pristupanju izrade dopune Prostornog plana HNK poglavlje VII. Odredbe o javnoj raspravi, te se omogući učestvovanje Komisiji koja je radila važeći Prostorni plan.

2. Zadužuje se Nosilac izrade Nacrta Prostornog plana HNK da održi sastanke sa svim predstavnicima jedinica lokalne samouprave odnosno s općinama i gradovima u HNK te uvaži i uvrsti važeće prostorne planove općina i gradova tijekom izrade Prijedloga dopune Prostornog plana HNK.

3. Obvezuje se Nosilac izrade Prostornog plana HNK da pri izradi Prijedloga Prostornog plana HNK u cijelosti primjeni Zakon o prostornom planiranju na razini FBiH i Uredbu o jedinstvenoj metodologiji za izradu planskih dokumenata.

4. Zaključak stupa na snagu danom donošenja a objavit će se u "Službenim novinama HNK".

Obavljeno je glasanje o navedenom Zaključku.

Nakon glasanja konstatovano je da je sa 18 glasova „Za“, 2 glasa „Protiv“ i 3 „Suzdržana“ glasa usvojen navedeni Zaključak.

Sjednica je završila s radom u 18:00 sati.

PREDSJEDAVAJUĆI

Džafer Alić